



Broj: 94-4/24

Sarajevo, 04.12.2024. godine

Doma naroda Parlamenta Federacije

Bosne i Hercegovine

Predsjedavajući Doma naroda Parlamenta
Federacije BiH

N/r Gosp. Tomislav Martinović

Hamdije Kreševljakovića 3, 71000 Sarajevo

Bosna i Hercegovina
Federacija Bosne i Hercegovine
PARLAMENT FEDERACIJI
SARAJEVO

Primijeno:	04-12-2024		
Org. jed.	Broj	Priloga	Vrijednost
02	-02-	2385 2441	124

PREDMET: Prijedlog za izmjene i dopune Nacrta Zakona o fiskalizaciji transakcija u FBiH – dnevni red 15 sjednice Doma naroda Parlamenta Federacije BiH

Poštovani gosp. Martinović

Obraćamo Vam se ispred Udruženja društava za osiguranje u Federaciji BiH kao strukovne organizacije koja zastupa interese osiguravateljske djelatnosti u BiH i Federaciji BiH.

Na osnovu informacije da je na dnevnom redu 15. sjednice Doma naroda Parlamenta Federacije BiH i Nacrt Zakona o fiskalizaciji transakcija u Federaciji BiH čiji je predlagač Vlada Federacije BiH, ovim putem dostavljamo prijedlog za izmjene i dopune teksta Nacrta Zakona o fiskalizaciji transakcija u Federaciji BiH.

Predmetna izmjena i dopuna se odnosi na Član 7. Nacrta zakona (Izuzeće obveznika fiskalizacije) koji tretira pravne subjekte izuzete od fiskalizacije.

U aktuelnom Zakonu o fiskalnim sistemima iz 2009. godine u članu 5. (Izuzeća) Stav 1. Tačka c) navedeno je da se Obaveza evidentiranja prometa preko fiskalnih uređaja iz člana 4. stav 1. Zakona ne odnosi na... c) "banke i osiguravajuća društva".

U Članu 7. Nacrta zakona ne spominju se osiguravajuća društva (kao ni banke), što znači da nisu obuhvaćena izuzećem od primjene zakona.

Imajući u vidu ozbiljne posljedice po tržište osiguranja koje bi unijelo eventualno prihvatanje predloženog rješenja u Nacrtu zakona, ističemo da se u fiskalnom sistemu FBiH od 2009. godine pa do danas nije ništa značajno promjenilo što bi dovelo do izmjena koje su predložene u nacrtu novog Zakona kada su osiguravajuća društva u pitanju. Pored toga smatramo da bi izuzeća po ovom Zakonu trebala biti usklađena s izuzećima od obaveze plaćanja PDV-a jer usluge osiguranja su oslobođene od plaćanja PDV-a po čl. 25. Zakona o PDV BiH. Također, cilj novog Zakona bi trebala biti i unutardržavna harmonizacija, posebno imajući u vidu da su Uredbom Vlade Republike Srpske (Sl. glasnik RS, br. 10/24) o djelatnostima za čije obavljanje ne postoji obaveza evidentiranja prometa preko elektronskih fiskalnih uređaja, izuzete bankarske usluge i usluge osiguranja.

U smislu opisanog, podnosimo prijedlog u svrhu izmjena i dopuna Nacrta Zakona o fiskalizaciji transakcija u FBiH. na način kako slijedi.



- da se u članu 7. stav (1) doda nova tačka f) i postojeći tekst izmijeni tako da glasi:

„

Član 7.

(Izuzete obveznika fiskalizacije)

(1) Obveznikom fiskalizacije iz člana 6. ovog zakona, ne smatra se lice koje obavlja sljedeće pretežne djelatnosti:

- a) javna uprava i odbrana, obavezno socijalno osiguranje - područje O;
- b) djelatnost zdravstvene i socijalne zaštite - Područje Q pod uslovom da se ne vrši naplata usluge;
- c) djelatnosti vanteritorijalnih organizacija i organa - Područje U;
- d) djelatnosti vjerskih organizacija - razred iz Područja S;
- e) djelatnost kockanja i klađenja - razred iz Područja R pod uslovom da je lice direktno online povezano sa Poreznom upravom.

f) djelatnost usluga osiguranja

(2) Ukoliko lica iz stava (1) ovog člana obavljaju aktivnosti iz djelatnosti koje nisu izuzete prema ovom članu, dužne su svaku takvu transakciju, evidentirati putem EFS-a.

(3) Nazivi djelatnosti iz ovog člana usklađeni su sa Klasifikacijom djelatnosti Bosne i Hercegovine 2010 (u daljem tekstu: KD 2010), a u slučaju njene izmjene analogno će se koristiti novi nazivi djelatnosti.*

Sigurni da dijelite naša nastojanja u svrhu kreiranja stimulativnijeg poslovnog ambijenta te harmonizacije propisa u BiH, nadamo se da ćete prihvatiti prethodnu argumentaciju i izvršiti predložene izmjene i dopune Nacrta Zakona o fiskalizaciji transakcija u Federaciji BiH u materijale za raspravu na sjednici Doma naroda.

S poštovanjem

Dostavljeno:

- Naslovu
- a/a

Za UDO FBiH
Generalni sekretar
Ermin Čengić

UDRUŽENJE DRUŠTAVA ZA
OSIGURANJE U FEDERACIJI
BOSNE I HERCEGOVINE
SARAJEVO